

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02- 411/18
Vareš, 04.04.2018 godine

P R O G R A M

UTROŠKA SREDSTAVA SA KRITERIJIMA RASPODJELE SREDSTAVA "SUBVENCije ZA RAZVOJ POLJOPRIVREDE" UTVRĐENIH BUDŽETOM OPĆINE VAREŠ ZA 2018. GODINU

Podaci o Programu:

Program odobren od strane Općinskog načelnika	dana 04.04. 2018. godine
Period realizacije Programa:	2018. godina
Kraj roka realizacije:	31.12.2018. godine
Ukupna vrijednost Programa:	67.800,00 KM

I - UVOD:

Vrijednost Programa poticajnih mjera za 2018. godinu je sljedeći:

Federacija BiH 58.200.000,00 KM,

Zeničko-dobojski kanton 2.500.000,00 KM.

Prije početka izrade programa poticajnih mjera postignut je dogovor o harmonizaciji poticaja, u smislu da nema preklapanja federalnih, kantonalnih i općinskih poticaja.

Obzirom na uslove naše lokalne zajednice u kojima se obavlja poljoprivredna proizvodnja (usitnjenost posjeda, navike ljudi i dr.) malo je poljoprivrednika koji po svom obimu proizvodnje mogu ostvariti novčane podrške po Federalnim ili Kantonalnim Programima poticajnih mjera.

Iz gore navedenog razloga, kao i iz preporuka usvojene Strategije razvoja poljoprivredne proizvodnje za općinu Vareš za period 2014-2018 godina potrebno je da se u Budžetu Općine planiraju sredstva za novčane podrške poljoprivrednim proizvođačima.

Takođe u okviru Strategije razvoja Općine Vareš za period 2017-2026, odjeljak IV tačka 1.3.9. – poljoprivreda, u kojoj poljoprivredna proizvodnja kao

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba



nedovoljno iskorištena razvojna komponenta općine Vareš zauzima značajno mjesto, sa prevashodnim ciljem ostanka ruralnog stanovništva na selu i povećanja zaposlenosti i životnog standarda stanovništva ruralnih područja.

U okviru usvoje Strategije razvoja poljoprivredne proizvodnje za period 2014-2018 godina definisan je i operativni cilj pod nazivom "Unaprijediti uslove za razvoj poljoprivredne proizvodnje u općini Vareš kroz program "Uvođenja poticajnih mjera u oblasti poljoprivrede".

Analizom utroška novčanih sredstava za ostvarivanje poticaja u poljoprivrednoj proizvodnji za 2017 godinu, nadležna općinska služba je napravljenom analizom utroška, kao i u međusobnom razgovoru sa poljoprivrednicima ustanovila da su poljoprivredni proizvođači zadovoljni sadašnjim obimom poticajnih stavki u poljoprivrednoj proizvodnji.

Iz tog razloga nadležna općinska služba je ostavila sve stavke općinskih poticaja u poljoprivrednoj proizvodnji za 2018 godinu koje su bile i u 2017 godini.

Općinska nadležna služba je uvažila prijedlog poljoprivrednih proizvođača da se unutar postojećih stavki poticajnih poljoprivrednih proizvodnji trebaju iste dopuniti novim vrstama proizvodnje koje nisu bile obuhvaćene poticajnim mjerama u predhodnoj godini i smanjiti na dole minimalnu granicu broja stoke, kako bi i ostali manji proizvođači mogli ostvariti poticaj u postojećim proizvodnjama. Iz tog razloga, kao i iz razloga što već postoje kantonalni ili federalni poticaji na druge stavke poljoprivrednih proizvodnji, nadležna općinska služba nije uvela neke nove stavke poticanja poljoprivrednih proizvodnji u Program poticaja za 2018 godinu.

Uvođenjem općinskih poticaja u poljoprivrednoj proizvodnji općina Vareš nastoji stvoriti povoljniji ambijent za tržišni razvoj poljoprivrede, seoskog i eko turizma.

U tom smislu u okviru Općinskog Budžeta u 2018 godini je izdvojen određeni iznos sredstava za ovu namjenu u visini od 67.800,00 KM.

U izradi Programa za 2018. godinu uvažavali su se slijedeći parametri:

- proizvodne resursne mogućnosti Općine Vareš,
- programske obaveze Općinskog načelnika,
- analiza Programa (Nacrt programa) novčanih podrški FBiH,
- analiza Programa novčanih podrški Ze-do kantona,
- sugestije učesnika u sektoru poljoprivrede,
- podaci sa terena,
- visina sredstava koja su predviđena Budžetom Općine Vareš,
- ostale odrednice.

Na osnovu svih, u uvodu navedenih parametara, urađen je Program utroška sredstava sa kriterijima raspodjele sredstava, stavka 614500 - "Poticaj za razvoj poljoprivredne proizvodnje", utvrđenih Budžetom Općine Vareš za 2018. godinu.

II - KRITERIJI ZA RASPODJELU SREDSTAVA

Odobrena finansijska sredstva iz Budžeta Općine Vareš "Subvencije za razvoj poljoprivrede" će se raspoređivati prema slijedećim opštim i posebnim kriterijima i to:

1. Opšti kriteriji:

Pravo na ostvarivanje novčane podrške stiču

- korisnici sa stalnim prebivalištem na području Općine Vareš
- korisnici koji su ostvarili primarnu poljoprivrednu proizvodnju na teritoriji Općine Vareš.
- Korisnici koji su upisani u Registar PPG ili Registar klijenata u nadležnoj općinskoj službi

2. Posebni kriteriji

- korisnici koji po bilo kojem osnovu nisu izmirili svoje dugovanja prema općini Vareš neće moći ostvariti pravo na poticaje
- nepotpuni, neblagovremeni i izvan propisane procedure dostavljeni zahtjevi neće biti uzeti u razmatranje
- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju u 2018. godini, koje donosi Općinski načelnik.

A) Animalna proizvodnja

1. Farme muznih krava – Pravo na premiju imaju korisnici koji imaju tradiciju u držanju muznih krava i koji posjeduju na svom gazdinstvu od 2 muzna grla čiste pasminske linije (montafonska pasmina muznih krava, simentalska, holštajn-frizijska i druge čiste pasminske linije muznih krava) i ostala muzna grla pa do broja koji je propisan kantonalnim programom poticaja. Podrška će se davati za najmanje 2, a najviše 6 muzna grla starijih od 24 mjeseca (2 godine) tj. do nivoa koji se potiče kroz Kantonalni program poticajnih mjera (7 muznih krava i više). Korisnici koji imaju 7 i više muznih krava imaju mogućnost ostvarivanja kantonalnog poticaja – stavka „Podrška za registrovane farme muznih grla“ i neće biti uzeti u razmatranje. Iznos podrške je 100,00 KM po rasnoj muznoj i 70,00 KM za ukrižane muzne krave.

2. Uzgoj rasplodnih junica - Pravo na novčanu podršku za uzgoj rasplodnih junica imaju korisnici koji na svom gazdinstvu imaju u uzgoju steonu junicu koja je steona najmanje 3 mjeseca, koja je osjemenjena vještačkim putem ili prirodnom pripustom. Podrška će se davati za 1 steonu junicu tj. do nivoa koji se potiče kroz Federalni program poticajnih mjera. (2 steone junice). Iznos podrške je 100.00 KM.

3. Podrška u finansiranju provođenja obaveznih mjera („mliječni kartoni“) – sufinansira se provođenje obaveznih dijagnostičkih mjera za 2018 godinu tj. izrada mliječnih kartona za krave u laktaciji sa 15 KM/grlu, kod proizvođača mlijeka sa prebivalištem na području općine Vareš, a čije mlijeko i mliječne prerađevine idu u javnu potrošnju. Subvencija se odnosi na pregled muznih grla na bolesti koje će biti obuhvaćene Naredbom o mjerama kontrole zaraznih i parazitarnih bolesti životinja Ureda za Veterinarstvo BiH za 2018 godinu Tuberkoloza, Enzootska leukoza, Bruceloza i Zarazna upala vimena.

Podršku u finansiranju ovih mjera vlasnici će ostvarivati putem Veterinarske stanice Vareš na način da im se za gore navedeni iznos umanjí cijena izdavanja potvrde (mliječnog kartona)

4. Sufinansiranje vještačkog osjemenjavanja junica i muznih krava – Pravo na ostvarivanje subvencije na vještačko osjemenjavanje junica i muznih krava bi ostvarivali svi farmeri koji putem Veterinarske stanice Vareš urade sjemenjenje svojih junica i muznih krava. Iznos poticaja za sjemenjenje muznog grla je 20 KM po grlu.

Nakon urađenog vještačkog osjemenjavanja kod farmera Veterinarska stanica Vareš je dužna dostaviti nadležnoj općinskoj službi dokumentaciju propisanu Uputstvom za ostvarivanje poticaja do desetog za predhodni mjesec. Sufinansiranje vještačkog osjemenjavanja junica i muznih krava se odnosi na cijelu 2018 godinu. Podršku u finansiranju ovih mjera vlasnici će ostvarivati putem Veterinarske stanice Vareš na način da im se za gore navedeni iznos umanjí cijena vještačkog osjemenjavanja (umjesto 40 KM vlasnici će plaćati 20 KM)

5. Osnovno stado ovaca/koza – Pravo na premiju imaju korisnici koji imaju tradiciju u držanju ovaca/koza i u osnovnom stadu imaju najmanje 20 odraslih ovaca ili 10 koza (bez jagnjadi/jaradi) pa do nivoa koji se potiče kroz Federalni program poticajnih mjera (50 ovaca odnosno 25 koza i više). Podrška će se davati za osnovna stada koja broje najviše 49 odraslih ovaca odnosno 24 odrasle koze (bez jagnjadi/jaradi) tj. do nivoa koji se potiče kroz Federalni program poticajnih mjera. Iznos podrške je 7,00 KM/grlo.

6. Proizvodnja konzumnih jaja - Pravo na premiju imaju korisnici koji se bave proizvodnjom konzumnih jaja na vlastitom gazdinstvu. Podrška će se davati za one poljoprivredne proizvođače koji imaju u uzgoju namanje 300 koka nosilja pa do nivoa koji se potiče kroz Kantonalni poticaj (1500 i više). Svi korisnici koji imaju više od 1500 koka nosilja neće moći ostvariti općinski poticaj, jer imaju mogućnost ostvarivanja kantonalnog poticaja. Iznos podršk je 0,40 KM po jednoj koki nosilji.

7. Podrška za držanje pčelinjih društava – Pravo na ostvarivanje subvencije na držanje pčelinjih zajednica bi ostvarivali pčelari koji su članovi Udruženja pčelara „Polen“ Vareš koji u držanju imaju najmanje 10 a najviše 50 košnica pčela. Iznos podrške je 5 KM po košnici. Korisnici koji imaju više od 50 košnica pčela mogu ostvariti poticaj za najviše 50 košnica pčela.

8. Zdravstvena zaštita životinja (goveda) - Pravo na ostvarivanje subvencije na pregled i zdravstvenu zaštitu goveda bi ostvarivali farmeri putem Veterinarske stanice Vareš koji imaju u uzgoju kvalitetna muzna grla. Vakcinacijom bi bila obuhvaćena najznačajnija bolest goveda antraks (crni prišt). Ovom mjerom bi bila obuhvaćena rubna sela općine Vareš u kojima nije rađena vakcinacija 2016 godine, a koja gravitiraju prema susjednim općinama u kojima je ustanovljeno prisustvo antraksa tj. koja su distrikt ove bolesti. Podršku u ostvarivanju ove mjere vlasnici će ostvariti putem veterinarske stanice Vareš na način da će im ova mjera biti besplatna.

Iznos poticaja za vakcinaciju muznog grla je 10 KM po grlu.

9. Zdravstvena zaštita životinja (svinja) - Pravo na ostvarivanje subvencije na zdravstvenu zaštitu svinja u toku će ostvarivati farmeri putem Veterinarske stanice Vareš, koji na svom gazdinstvu imaju u toku 2017 godine. Vakcinacijom bi bila obuhvaćena najznačajnija bolest svinja - svinjska kuga. Podršku u ostvarivanju ove mjere vlasnici će ostvariti putem veterinarske stanice Vareš na način da će im ova mjera biti besplatna.

Iznos poticaja za vakcinaciju je 10 KM po grlu.

B) Biljna proizvodnja

1. Proizvodnja žitarica (pšenica, ječam, zob, raž, tritikale, kukuruz, heljda) - proizvođači koji na svojim imanjima ostvare u 2018 godini samo jednu od, dole navedenih proizvodnji (u monokulturi). Minimalna površina koja će se poticati je 0,2 ha a maksimalna 0,5 ha. Svi korisnici koji su posijali više od 0,5 ha žitarica će ostvariti poticaj maksimalno za 0,5 hektara. Visina novčane podrške je: Pšenica 80,00 KM/dul, Ječam, Zob, Raž, Tritikale Kukuruz i Heljdu, 50,00 KM/dul.

2. Proizvodnja povrća:

- Konzumni krompir – minimalna površina koja će se poticati je 0,2 ha, a maksimalna 0,5 ha. Svi korisnici koji su posijali više od 0,5 ha krompira će ostvariti poticaj maksimalno za 0,5 hektara. Iznos podrške za proizvodnju krompira je 50,00 KM/dul.

- luk crveni – minimalna površina koja će se poticati je 0,5 duluma, a maksimalna je 3 duluma. Iznos podrške je 50,00 KM/dul.

- luk bijeli – minimalna površina za poticaj je 0,3 duluma, a maksimalna 3 duluma. Iznos podrške je 70,00 KM/dul.

- grahi i grašak podržavat će se usjev graha i graška zasijan u površini od 0,5 do 3 duluma površine. Iznos novčane podrške za proizvodnju graha je 50,00 KM/dul.

- mrkva – minimalna površina koja će se podržavati je 0,3 dunuma a maksimalna 2 duluma. Iznos novčane podrške je 60,00 KM/dul.

Za salatu, špinat i zeleni luk novčana podrška neće se davati.

3. Proizvodnja povrća u plastenicima – Podršku za proizvodnju povrća u plastenicima mogu ostvariti poljoprivredni proizvođači sa područja općine Vareš koji zasnuju proizvodnju povrća u vlastitim plastenicima minimalne površine 50m² a maksimalne površine 400m². Zasnovana proizvodnja u plastenicima koji su predmet ove podrške mora biti na području općine Vareš. Visina podrške za zasnovanu proizvodnju je 0,5 KM/m²

4. Zasnivanje novih zasada voća (visokostablašica) – Podršku za zasnivanje novih plantažnih zasada voća (visokostablašica – jabuka, kruška, šljiva, trešnja, višnja) mogu ostvariti poljoprivredni proizvođači sa područja općine Vareš (čije se parcele nalaze na području općine Vareš) koji na vlastitom zemljištu ili zemljištu uzetom pod zakup u najmanjem periodu od 10 godina zasade u toku 2018 godine novi plantažni zasad voća (visokostablašica) u površini od 1 dunuma. Novi zasadi koji budu podignuti a veći su od 1 dunuma će se obračunavati kao poticaj na zasad od 1 dunuma. Iznos podrške za poluintenzivne plantažne zasade je 250 KM/dunumu, a za intenzivne plantažne zasade je 450 KM/dunumu.

III Način ostvarivanja novčanih podrški u primarnoj poljoprivrednoj proizvodnji

Novčane podrške u primarnoj poljoprivrednoj proizvodnji ostvaruju poljoprivredni proizvođači koji ispunjavaju uslove propisane ovim Programom i Uputstvom koje će donijeti općinski načelnik u roku od 10 dana od dana davanja saglasnosti od strane Općinskog vijeća Vareš na ovaj Program.

Poljoprivredni proizvođači podnose zahtjev sa propisanom dokumentacijom Službi nadležnoj za poslove poljoprivrede.

Nakon prijema zahtjeva Služba nadležna za poslove poljoprivrede utvrdit će njegovu formalno - pravnu ispravnost (opravdanost, potpunost i blagovremenost). Zahtjevi koji budu ispunjavali formalno-pravne uslove uputit će se komisiji koju će imenovati Općinski načelnik da utvrdi činjenice na terenu navedene u zahtjevu i o izvršenom uviđaju napraviti će pismeni zapisnik. Na osnovu zapisnika i druge priložene dokumentacije nadležna služba izvršit će obračun podrške i obavijestiti stranku o ostvarenom pravu. Zahtjevi koji ne ispunjavaju formalno-pravne uslove odbacit će se kao ne osnovani.

SVRHA PROGRAMA

Svrha Programa je:

- povećanje obima proizvodnje,
- podsticanje tržišne proizvodnje poljoprivrednih proizvoda
- zadovoljavanje potreba domaćeg (lokalnog) tržišta vlastitim poljoprivrednim proizvodima,
- obezbjeđenje sredstava i poljoprivrednih proizvoda za potrebe vlastitog domaćinstva,
- unaprijeđenje ruralnog razvoja.
- Poboljšanje uslova uzgoja domaćih životinja u lokalnoj zajednici, stvaranje uslova za povećanje broja grla krupne i sitne stoke u uzgoju na Porodičnim poljoprivrednim gazdinstvima (PPG), a sve u cilju proizvodnje zdrave hrane i ostvarivanja dodatnih prihoda PPG

Predviđene novčane podrške su ekonomskog karaktera koje priznaju robnu proizvodnju kod farmera i stvaraju uslove za prodaju proizvoda na domaćem tržištu.

IV VISINA SREDSTAVA

Iznos sredstava odobrenih Budžetom Općine Vareš za 2018. godinu je 67.800 KM.

V IZVORI SREDSTAVA

Izvor sredstava za realizaciju Programa je Budžet Općine Vareš za 2018. godinu, stavka (konto) 614500 Podsticaj za razvoj poljoprivredne proizvodnje, planirana sredstva u iznosu od 67.800,00 KM.

VI REALIZACIJA PROGRAMA

Program će se realizovati po Uputstvu za ostvarivanje novčanih podrški za 2018 godinu sa potrebnim obrascima, koje će donijeti Općinski načelnik.

DOSTAVLJENO:

1 x 02/I

1 x Arhiva

